



O‘ZBEKISTON RESPUBLIKASI SUV XO‘JALIGI VAZIRLIGI HAY‘AT YIG‘ILISHI BAYONI

2026-yil 23-fevral

№ 4

Toshkent sh

Hay‘at raisi O‘zbekiston Respublikasi Suv xo‘jaligi vaziri Sh.Xamrayev
Ishtirok etdilar: Z.Ishpulatov, R.Qarshiyev, O‘.Sheraliyev, M.Karimov,
D.Xodjiaxmedov, A.O‘razkeldiyev, M.Nadjimov

Qatnashganlar:

Respublika studiyasida: O‘zbekiston Respublikasi Suv xo‘jaligi vazirligi hay‘at a‘zolari, vazirlik markaziy apparatining boshqarma va mustaqil bo‘lim boshliqlari, vazirlik tasarrufidagi respublika tashkilotlari rahbarlari *(ro‘yxat bo‘yicha)*

Hududiy studiyalarda: Qoraqalpog‘iston Respublikasi Suv xo‘jaligi vaziri, irrigatsiya tizimlari havza boshqarmalari boshliqlari, Nasos stansiyalari va energetika boshqarmalari, Meliorativ ekspeditsiyalar, yirik gidrotexnik inshootlar va suv omborlari, irrigatsiya tizim boshqarmalari, “Suvqurilishinvest” hamda tumanlar “Suv yetkazib berish xizmati” davlat muassasalari rahbarlari *(ro‘yxat bo‘yicha)*

Hay‘at raisi kun tartibiga kiritilgan masala bilan hay‘at yig‘ilishi qatnashchilarini tanishtirdi va muhokamaga qo‘ydi. Yig‘ilish kun tartibi va ish reglamenti hay‘at a‘zolari tomonidan to‘liq ovoz bilan tasdiqlandi.

O‘zbekiston Respublikasi Prezidentining 2026-yil 16-fevraldagi “Mamlakat taraqqiyotining 2030-yilgacha mo‘ljallangan ustuvor yo‘nalishlari doirasida islohotlarni izchil davom ettirish va yangi bosqichga olib chiqishning qo‘shimcha chora-tadbirlari to‘g‘risida”gi PF–21-son hamda “Mahallani rivojlantirish va jamiyatni yuksaltirish” yilida ustuvor yo‘nalishlar bo‘yicha islohotlar dasturlari va “O‘zbekiston – 2030” strategiyasini amalga oshirish bo‘yicha Davlat dasturi to‘g‘risida”gi PF–22-son Farmonlari bilan vazirlikka yuklatilgan vazifalarning ijrosini so‘zsiz ta‘minlash bilan bog‘liq chora-tadbirlar haqida

(Xamrayev, Ibragimov, Xasanov, Taxirov, Fayzillayev, Turdiboyev, Siddiqov, Sadinov, Rizzayev, Radjabov, Alimov, Ataqulov, Qurbonov, Tursunov, Nurmetov, Qarshiyev, Sheraliyev, Karimov, Ishpulatov, Xamrayev)

Kun tartibidagi masala bo‘yicha O‘zbekiston Respublikasi Suv xo‘jaligi vaziri Sh.Xamrayev “O‘zbekiston–2030” strategiyasi hamda O‘zbekiston Respublikasi Prezidentining O‘zbekiston xalqi va Oliy Majlisga Murojaatnomasida belgilangan islohotlar ijrosini samarali tashkil etish maqsadida, 2026-yil 16-fevral kuni O‘zbekiston Respublikasi Prezidentining 2026-yil 16-fevraldagi “Mamlakat taraqqiyotining 2030-yilgacha mo‘ljallangan ustuvor yo‘nalishlari doirasida islohotlarni izchil davom ettirish va yangi bosqichga olib chiqishning qo‘shimcha chora-tadbirlari to‘g‘risida”gi PF–21-son hamda “Mahallani rivojlantirish va jamiyatni yuksaltirish” yilida ustuvor yo‘nalishlar bo‘yicha islohotlar dasturlari va “O‘zbekiston – 2030” strategiyasini amalga oshirish bo‘yicha Davlat dasturi to‘g‘risida”gi PF–22-son Farmonlari qabul qilinganligi haqida axborot berib o‘tib,

ushbu Farmonlar bilan vazirlikka yuklatilgan vazifalar hamda maqsadli ko'rsatkichlarning ijrosini ta'minlash yuzasidan Nazxorat reja ishlab chiqilganligi, uning ijrosini ta'minlash yuzasidan vazir o'rinbosarlari, vazirlik markaziy apparatining boshqarma va mustaqil bo'lim boshliqlari, vazirlik tasarrufidagi respublika va hududiy tashkilotlar rahbarlari oldida turgan vazifalar belgilab berildi.

O'zbekiston Respublikasi Prezidentining 2026-yil 16-fevraldagi "Mamlakat taraqqiyotining 2030-yilgacha mo'ljallangan ustuvor yo'nalishlari doirasida islohotlarni izchil davom ettirish va yangi bosqichga olib chiqishning qo'shimcha chora-tadbirlari to'g'risida"gi PF-21-son hamda "Mahallani rivojlantirish va jamiyatni yuksaltirish" yilida ustuvor yo'nalishlar bo'yicha islohotlar dasturlari va "O'zbekiston - 2030" strategiyasini amalga oshirish bo'yicha Davlat dasturi to'g'risida"gi PF-22-son Farmonlari bilan vazirlikka yuklatilgan vazifalarning ijrosini belgilangan muddatlarda, to'laqonli va sifatli ta'minlash yuzasidan vazir o'rinbosarlari, vazirlik markaziy apparatining boshqarma va mustaqil bo'limlari, vazirlik tasarrufidagi respublika tashkilotlari, Qoraqalpog'iston Respublikasi Suv xo'jaligi vazirligi, irrigatsiya tizimlari havza boshqarmalari, Nasos stansiyalari va energetika boshqarmalari, Meliorativ ekspeditsiyalar, yirik gidrotexnik inshootlar va suv omborlari, irrigatsiya tizim boshqarmalari, "Suvqurilishinvest" hamda tumanlar "Suv yetkazib berish xizmati" davlat muassasalari rahbar va mutaxassislarning shaxsiy mas'uliyati va javobgarligini kuchaytirish maqsadida, hay'at yig'ilishi

Qaror qildi:

1. O'zbekiston Respublikasi Prezidentining 2026-yil 16-fevraldagi PF-21-son hamda PF-22-son Farmonlari **rahbarlik va ijro uchun qabul qilinsin.**

2. O'zbekiston Respublikasi Prezidentining 2026-yil 16-fevraldagi PF-21-son hamda PF-22-sonli Farmonlari bilan vazirlikka yuklatilgan vazifalar ijrosini ta'minlash yuzasidan ishlab chiqilgan va Vazir Sh.Xamrayev tomonidan tasdiqlangan "**Nazorat reja**" **ijro uchun qabul qilinsin.**

3. O'zbekiston Respublikasi Prezidentining 2026-yil 16-fevraldagi PF-21-son hamda PF-22-sonli Farmonlari bilan vazirlikka yuklatilgan vazifalar hamda maqsadli ko'rsatkichlarning ijrosini ta'minlash yuzasidan **Ishchi guruhi tarkibi 1-ilovaga, "Yo'l xaritasi" 2-ilovaga** hamda vazir o'rinbosarlari kesimidagi "**Kalendar reja**" **3-ilovaga** muvofiq tasdiqlansin.

Davlat dasturidagi topshiriqlar hamda maqsadli ko'rsatkichlar ijrosini o'rnatilgan muddatlarda, to'liq, sifatli va so'zsiz bajarilishi, shuningdek, ularning ijro holati to'g'risidagi ma'lumotlarning to'g'riligi va ishonchliligiga hamda "Ijro.gov.uz" tizimiga o'z vaqtida kiritilishiga vazirning barcha o'rinbosarlari **shaxsan mas'ul etib belgilansin.**

4. O'zbekiston Respublikasi Prezidentining 2026-yil 16-fevraldagi PF-22-sonli Farmonining 10-bandi bilan ekologik muvozanatni ta'minlash va suvdan oqilona foydalanishni tashkil etish bo'yicha ustuvor islohotlarning asosiy yo'nalishlari etib belgilangan:

ochiq drenaj, kollektor va kanallarni yopiq tizimga o'tkazish bo'yicha amaliy tadbirlarni tashkil etish uchun Vazirning birinchi o'rinbosari-Suv xo'jaligi obyektlarini ekspluatatsiya qilish agentligi direktori Z.Ishpulatov;

504 ming gektar maydonda suv tejaydigan texnologiyalarni joriy qilish orqali 5 milliard metr kub suv iqtisod qilinishini ta'minlash uchun Vazir o'rinbosari-R.Qarshiyev;

1,3 ming kilometr kanallar, sug'orish tarmoqlari va boshqa irrigatsiya obyektlarini betonlashtirish orqali yiliga qo'shimcha 500 million metr kub suv iqtisod qilinishini ta'minlash uchun Vazir o'rinbosari-O'.Sheraliyev **mas'ul qilib tayinlansin.**

5. O'zbekiston Respublikasi Prezidentining 2026-yil 16-fevraldagi PF-21-son hamda PF-22-sonli Farmonlari bilan vazirlikka yuklatilgan vazifalar, maqsadli ko'rsatkichlar va hamda uning ijrosini ta'minlash yuzasidan **"Yo'l xaritasi"** va **"Kalendar reja"**da belgilangan vazifalarning ijrosi uchun mas'ul qilib Vazirning birinchi o'rinbosari-Suv xo'jaligi obyektlarini ekspluatatsiya qilish agentligi direktori Z.Ishpulatov, Suv xo'jaligi obyektlarini ekspluatatsiya qilish agentligining Axborot-tahlil bo'limi boshlig'i J.Kamolov hamda Strategik rejalashtirish va metodologiya bo'limi bosh mutaxassisi A.Xasanovlar tayinlansin.

6. Vazirning birinchi o'rinbosari Z.Ishpulatov, Vazir o'rinbosarlari R.Qarshiyev, O'.Sheraliyev, M.Karimov, Suv xo'jaligi obyektlarini ekspluatatsiya qilish agentligining Axborot-tahlil bo'limi boshlig'i J.Kamolov hamda Strategik rejalashtirish va metodologiya bo'limi bosh mutaxassisi A.Xasanovlar O'zbekiston Respublikasi Prezidentining 2026-yil 16-fevraldagi PF-22-sonli Farmon bilan vazirlikka yuklatilgan vazifalar, maqsadli ko'rsatkichlar yil yakuni bo'yicha erishiladigan natijalarni ta'minlash mexanizmlari va choraklik samaradorlik ko'rsatkichlarni nazarda tutuvchi ish rejalarini **3 kun muddatda** ishlab chiqib, tasdiqlash va ularning nazoratini yuritish, ijrosi bo'yicha O'zbekiston Respublikasi Prezidentiga axborot berib borish uchun Vazirlar Mahkamasiga kiritsinlar.

7. Vazirning birinchi o'rinbosari Z.Ishpulatov, Vazir o'rinbosarlari R.Qarshiyev, O'.Sheraliyev, M.Karimov, vazirlik markaziy apparatining boshqarma va mustaqil bo'lim boshliqlari, vazirlik tasarrufidagi respublika tashkilotlari, Qoraqalpog'iston Respublikasi Suv xo'jaligi vaziri, irrigatsiya tizimlari havza boshqarmalari boshliqlari, Nasos stansiyalari va energetika boshqarmalari, Meliorativ ekspeditsiyalar, yirik gidrotexnik inshootlar va suv omborlari, irrigatsiya tizim boshqarmalari, "Suvqurilishinvest" hamda tumanlar "Suv yetkazib berish xizmati" davlat muassasalari rahbarlariga:

2 kun muddat ichida O'zbekiston Respublikasi Prezidentining 2026-yil 16-fevraldagi PF-21-son hamda PF-22-sonli Farmonlari bilan vazirlikka yuklatilgan vazifalarning ijrosini ta'minlash yuzasidan **"Yo'l xaritasi"** va **"Kalendar reja"** bilan har bir xodimni shaxsan tanishtirib chiqish, uning mazmun-mohiyatini yetkazish, ushbu hujjatlarda belgilangan vazifalarning ijrosi belgilangan muddatlarda, to'laqonli va sifatli ta'minlanmagan taqdirda intizomiy jazo chorasi muqarrarligi, O'zbekiston Respublikasi Suv xo'jaligi vazirligi huzuridagi Suv xo'jaligini rivojlantirish jamg'armasi mablag'lari hisobidan ajratiladigan mukofot va rag'batlantirish mablag'laridan chegirib qolinishi haqida rasman ogohlantirish orqali barcha darajadagi rahbar va xodimlarning shaxsiy mas'uliyati va javobgarligini kuchaytirish;

5 kun muddat ichida Davlat dasturidagi topshiriqlarini xatlovdan o'tkazish, joriy yilda vazirlik tomonidan ishlab chiqilishi lozim bo'lgan normativ-huquqiy hujjatlarga, dasturlar, takliflar va chora-tadbirlarga aniqlik kiritib, ularning ro'yxatini shakllantirish, normativ-huquqiy hujjatlarni ishlab chiqishni kamida **45 kun oldin** boshlab, tegishli vazirlik va idoralar hamda vakolatli organlar bilan kelishilgan hamda Adliya vazirligining xulosasini olgan holda Vazirlar Mahkamasiga kiritilishini tashkil etish bilan bog'liq chora-tadbirlarni tashkil va ta'min etish;

10 kun muddat ichida O'zbekiston Respublikasi Prezidentining 2026-yil 16-fevraldagi PF-21-son hamda PF-22-sonli Farmonlari topshiriqlarini tahlil qilib, ushbu topshiriqlar ichidan mablag' talab qilinadigan va xorijiy mamlakatlar, shu jumladan, Xalqaro moliya institutlari va chet el investitsiyalari bilan bog'liq masalalar bo'yicha birinchi navbatda shug'ullanib, ularni to'laqonli va sifatli ta'minlash bilan bog'liq chora-tadbirlarni belgilash va amalga oshirish;

har oy yakuni bilan Davlat dasturi doirasida joriy yilga belgilangan maqsadli ko'rsatkichlar hamda O'zbekiston Respublikasi Prezidentining 2026-yil 16-fevraldagi PF-22-sonli Farmonining 11-bandi bilan tasdiqlangan **Ekologik muvozanatni ta'minlash va suvdan**

oqilona foydalanishni tashkil etish bo'yicha ustuvor islohotlar dasturidagi topshiriqlarning ijrosini vazirlikning ZOOM platformasi orqali videokonferensaloqa (VKA) shaklida tanqidiy ruhda muhokama qilib, barcha darajadagi rahbar va mutaxassislarning shaxsiy mas'uliyati va javobgarligini kuchaytirish bilan bog'liq chora-tadbirlarni amalga oshirish;

har oy yakuni bilan O'zbekiston Respublikasi Prezidentining 2026-yil 16-fevraldagi PF-21 hamda PF-22-sonli Farmonlari, Davlat dasturi doirasida joriy yilga belgilangan maqsadli ko'rsatkichlar hamda Ekologik muvozanatni ta'minlash va suvdan oqilona foydalanishni tashkil etish bo'yicha ustuvor islohotlar dasturidagi topshiriqlarning ijrosini ta'minlash bo'yicha olib borilayotgan ishlar bo'yicha alohida jild (*papka*) tashkil qilish, har bir topshiriq ijrosi bo'yicha ma'lumotlarni unga jamlash, mas'ul ijrochilar bilan birgalikda har bir topshiriq bo'yicha jadval (chap-o'ng) shaklida tahliliy ma'lumotlar qilish, muddati kelmagan topshiriqlar bo'yicha ijroning borishi, ko'rilgan choralar va qilingan ishlar to'g'risida ma'lumotlarni shakllantirish, ijrosi ta'minlangan topshiriqlar to'g'risida tegishli ma'lumot va hisobotlarni naryadlarda tikilgan holda taqdim etish;

har oy yakuni bilan O'zbekiston Respublikasi Prezidentining 2026-yil 16-fevraldagi PF-21 hamda PF-22-sonli Farmonlari bilan vazirlikka yuklatilgan vazifalarning ijrosini ta'minlash bo'yicha olib borilayotgan ishlar haqida O'zbekiston Respublikasi Prezidenti Administratsiyasiga, Vazirlar Mahkamasiga, Hisob palatasiga, O'zbekiston mahallalari uyushmasiga, Strategik rivojlanish va islohotlar agentligiga, Taraqqiyot strategiyasi" markazi va "Yuksalish" harakatiga axborot taqdim etib borish;

ushbu Farmonlar, Davlat dasturi doirasida joriy yilga belgilangan maqsadli ko'rsatkichlar hamda Ekologik muvozanatni ta'minlash va suvdan oqilona foydalanishni tashkil etish bo'yicha ustuvor islohotlar dasturidagi topshiriqlar ijrosini o'z vaqtida, to'liq va sifatli ta'minlash bo'yicha ishlarni to'g'ri rejalashtirish, topshiriq ijrosini amalga oshirish uchun eng kam mablag', resurs va energiya sarflanishi zarurligini inobatga olish;

topshiriqlarni ijro muddatidan barvaqt bajarish bo'yicha oldindan zarur chora-tadbirlarni belgilash va amalga oshirish, yuzaga kelayotgan har bir muammoli masalani vazir o'rinbosarlari, lozim bo'lsa Vazir huzurida muhokama qilib, hamkorlik va muloqot asosida hal etish vazifalari yuklatilsin.

8. Vazir yordamchisi S.Alimov hamda Tashkiliy-nazorat va tahlil bo'limi boshlig'i M.Ibragimovlarga:

O'zbekiston Respublikasi Prezidentining 2026-yil 16-fevraldagi PF-21 hamda PF-22-sonli Farmonlari bilan vazirlikka yuklatilgan vazifalar ijrosini ta'minlash yuzasidan tasdiqlangan **"Nazorat reja", "Yo'l xaritasi" va vazir o'rinbosarlari kesimidagi "Kalendar reja" dagi** topshiriqlar ijrosi yuzasidan **kunbay tizimida** tizimli va qat'iy monitoring yuritish;

mazkur Farmonlar, Davlat dasturi doirasida joriy yilga belgilangan maqsadli ko'rsatkichlar hamda Ekologik muvozanatni ta'minlash va suvdan oqilona foydalanishni tashkil etish bo'yicha ustuvor islohotlar dasturidagi topshiriqlar ijrosi bo'yicha **"Ijro.gov.uz"** tizimiga kiritilgan ma'lumotlar va tasdiqlovchi hujjatlarga asosan topshiriqlarni nazoratdan yechish yuzasidan O'zbekiston Respublikasi Adliya vazirligi va Hisob palatasi bilan muntazam ravishda hamkorlikda ish olib borish;

vazirlik markaziy apparatining boshqarma va mustaqil bo'limlari, vazirlik tasarrufidagi respublika tashkilotlari, Qoraqalpog'iston Respublikasi Suv xo'jaligi vazirligi, irrigatsiya tizimlari havza boshqarmalari rahbarlari tomonidan ushbu Farmonlar bilan vazirlikka yuklatilgan vazifalar hamda uning ijrosini ta'minlash yuzasidan **"Nazorat reja", "Yo'l xaritasi" va vazir o'rinbosarlari kesimidagi "Kalendar reja" da** belgilangan topshiriqlar ijrosini muntazam ravishda (**har oy yakuni bilan**) tahlil qilib borish, ushbu topshiriqlar ijrosini ta'minlashga e'tiborsizlik va mas'uliyatsizlik bilan yondashayotgan rahbar-xodimlarga nisbatan tegishli intizomiy jazo choralari qo'llash yuzasidan vazirlik

rahbariyatiga asoslangan xulosa va takliflar (*intizomiy jazo chorasi qo'llash yuzasidan buyruq loyihasi*) taqdim etish vazifalari topshirilsin.

9. Mazkur qarorning ijrosini tashkil qilish, **har oy yakuni bilan** vazir o'rinbosarlari huzurida tanqidiy muhokama qilib, tegishli choralar belgilash vazifasini vazirning tegishli o'rinbosarlariga yuklab, uning nazoratini o'z zimmamda qoldiraman.

Hay'at yig'ilishi yakunida hay'at raisi Qoraqalpog'iston Respublikasi Suv xo'jaligi vazirligi, irrigatsiya tizimlari havza boshqarmalari hamda vazirlik tasarrufidagi respublika va tizim tashkilotlari rahbarlariga bugungi hay'at yig'ilishi qabul qilgan qaror asosida **2 kun muddatda** O'zbekiston Respublikasi Prezidentining 2026-yil 16-fevraldagi PF-21 hamda PF-22-sonli Farmonlari bilan har bir xodimni shaxsan tanishtirib chiqish, uning mazmun-mohiyatini yetkazish, viloyat, tuman va har bir suv xo'jaligi obyekti kesimida chora-tadbirlar rejasini ishlab chiqish va uning ijrosini tizimli ravishda tashkil etish bo'yicha boshqaruvning barcha darajadagi rahbar va mutaxassislarning shaxsiy mas'uliyati va javobgarligini kuchaytirish yuzasidan tegishli topshiriq va tavsiyalar berdi.

Hay'at raisi



Sh. Xamrayev